

Ugovorne strane:

MUP KANTONA SARAJEVO, ulica La Benevolencija broj 16, koje zastupa ministar unutrašnjih poslova Admir Katica (u daljem tekstu Kupac) i

„ARTCO Group“ d.o.o. Sarajevo, ul. Džemala Bijedića 160, koje zastupa direktor Anis Škamo (u daljem tekstu: Dobavljač)

zaključili su:

UGOVOR o nabavci programskih paketa

Član 1.

Predmet ovog ugovora je nabavka programskih paketa za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu Odluke broj 01-1-11-4-6271 od 19.11.2021. godine i Obavještenja o nabavci broj 1364-1-1-57-3-31/21 od 24.11.2021. godine.

Ugovor se zaključuje u skladu sa uslovima iz tenderske dokumentacije.

Ponuda broj 528/21 od 07.12.2021. godine i Izvještaj o toku i završetku E-aukcije od 23.02.2022. godine čine sastavni dio ovog Ugovora.

Član 2.

Ukupna vrijednost ovog Ugovora iznosi: 11.985,00 KM bez PDV-a (jedanaest hiljadadevetstotinaosamdesetpet i 00/100 KM).

Član 3.

Plaćanje predmeta nabavke iz člana 1. ovog Ugovora izvršit će se u roku 30 (trideset) dana od dana isporuke i dostavljanja fakture.

Cijena i ostali elementi Ugovora se ne mogu mijenjati.

Član 4.

Dobavljač je dužan izvršiti isporuku u roku od 15 (petnaest) dana od dana obostranog potpisivanja ugovora i zaprimanja zahtjeva Kupca.

Dobavljač se obavezuje da će ugovorenu isporuku izvršiti u svemu prema propisima, standardima normama kvaliteta, zakonskim i podzakonskim aktima koji važe za vrstu robe koje su predmet nabavke.

Član 5.

Dobavljač je dužan u roku od deset (10) dana od dana obostranog potpisivanja Ugovora, dostaviti Garanciju za dobro izvršenje ugovora. Iznos garancije za dobro izvršenje ugovora je 10% od ukupne vrijednosti ugovora (vrijednost ugovora sa PDV-om).

Ukoliko se isporuka izvrši prije roka predviđenog za dostavu garancije, ista nije obavezna.

Član 6.

Dobavljač daje garanciju na isporučena materijalna sredstva 12 mjeseci od dana isporuke, a u skladu sa garantnim uslovima proizvođača.

Član 7.

Dobavljač nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 8.

Ukoliko poslije zaključivanja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vandredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Ugovorne strane su saglasne da će sva, eventualno sporna pitanja rješavati dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.


Član 10.

Ovaj ugovor se zaključuje na period do okončanja isporuke i stupa na snagu danom obostranog potpisivanja.

Član 11.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

DOBAVLJAC
„ARTCO Group S.d.o.o. SARAJEVO“
direktor, Anis Škamo



Broj: 01-18/22
Datum: 25.04.2022. godine

KUPAC
MUP KANTONA SARAJEVO
ministar, Admir Katica

Broj: 01-11-4-6271-7/22
Datum: 13.04.2022. godine